

## Waefeso

<sup>1</sup> Paulo, n'tume wa Yesu Kristu kwa mapenzi gha K'yara, kwa bhabhatengibhu kwajia ya k'yara bhabhayele Efeso na ndo bhaaminifu kup'etela kristo Yesu. <sup>2</sup> Neema iyelai kwa yhomo ni amani yayihomela kwa K'yara Dadi wa yhoto na Bwana Yesu Kristu. <sup>3</sup> K'yara na Dadi wa Bwana wa yhoto Yesu Kristu apelibhuayi sifa. Nando muene ya atubaliki kwa kila baraka sa kiroho, kup'etela sehemu sa kumbinguni mugati mwa Kristu. <sup>4</sup> Kabula ya kubhombibhwa ulimwengu, K'yara atuchaguili tete yatiamini kup'etela kristu. Atuchaguili tete ili tubhwesyai kuya bhatakatifu na twatilau-mika lepi palongolo pa muene. <sup>5</sup> Ku'petela lipendo K'yara atuchaguili kamuandi kwa kutut-waa kujo bhana munu kwa njia ya Yesu Kristu. Aketili naa kwa ndabha apendisibhu kuketa kela kaatamaniayi. <sup>6</sup> Matokeo ghaki yakuwa K'yara itukusibhwa kwa neema ya utukufu bhuake. eke ndo kaatupelili bhuaka kwanjela ya mpendwa bhuake. <sup>7</sup> wa ndabha kup'etela mpendwa bhuake, tuyeni uleobubhosi kup'etela muasi wamuene, msamaa was thambi. Tu yenalu ele ndabha ya utajili wa neema sya muene. <sup>8</sup> Aketili neema eye ujelai nyingi kwajia yhoto ndabha ya hekima ni kuyelebhw. <sup>9</sup> K'yara aketili imanyikanai ukueli wa ujisighili wa mipango, kutokana ni hamu yaidhihilishi bhu mugati mwa Kristu. <sup>10</sup> Magono ghatimiliki utimilifu

ki mpango wa muene, K'yara alasibheka kila khenu pamonga fya kumbinguni ni fya panani fya mund'ema mugati mwa Kristu. <sup>11</sup> Kup'etela kristu twamalili kuchagulibhwa na kusudi bhwa kabula ya magono. Eye yayele kubhonekana kwa mpango ya iketa fhenu fyoa kusudi la mapenzi gha muene. <sup>12</sup> K'yara aketili naa ili ndabha tubhwesya kuya ni noli sya utukufu bhuake. Tayele bhakuanza kuya ni ukifu mugati mwa Kristu. <sup>13</sup> yele kwanjela ya Kristu kujo mwapeliki lilobhila ukueli, injili ya bhuokovu bhuino kwa njela ya Kristu. Yayele kup'etela muene kabhele kujo mhamini ni kus'opibhwa mhuri wa Roho N'takatifu yaabhaahidi. <sup>14</sup> Roho ndo zamana ya ulisi wa yhoto hadi umiliki pa wilota kupatikana. Eye yayele ndabha ya noli ya utukufu wa muene. <sup>15</sup> Kwa ndabha eye, toka magono panap'elekai imani ya yhomo mugati mwa Bwana Yesu ni kup'etela lipenzi linhu kwa bhala bhoa yabhatengibhu kup'etela muene. <sup>16</sup> Nilekili he kumshukuru K'yara kwa-jia ya yhomo ni kubhataja kup'etela maombi ghangu. <sup>17</sup> Nis'oma yandabha K'yara wa Bwana wa yhoto Yesu Kristu, Dadi wa utukufu, alabhapela roho ya hekima, mafunuo gha ufahamu bhuake. <sup>18</sup> Nis'oma yandabha mihu gha yhomo gha mmiteema ghasopi bhwa nulu kwa muenga ni kumanya bholoki ukifu wakukutibhwa kwa yhomo. Nis'oma ya kuwa mmanyai utajili wa utukufu wa ulisi bhuake mwa bhala yabhatengibhu ndabha ya muene. <sup>19</sup> Nis'oma ndabha umanyai ubhaa wauzidili nghofo syaki mugati

mwayomo yabhamwiamini. Ubhaa obho ni kubhonekana kubhomba mbhombho kup'etela nghofo syake. <sup>20</sup> Eye ndo nghofo yaya fwanyai mbhombho mugati mwayomo Kristu magono K'yara paamfufulai kuhomela ku wafu ni kumtamika mkibhoko Kya muene Kya kulia kup'etela mahali pa kumbinguni. <sup>21</sup> Atamiki Kristu panani ni patali ni utawala, mamlaka, nghofo, enzi, ni kila lihina lali tajibhwa. Atamika Yesu si kwa magono agha ni magono gha ghhida kabhele. <sup>22</sup> K'yara afitishili fhenu fyoa pasi pa magolo gha Kristu. Amfwanyili muene mutu kunani mu fhenu fyoa mu likanisa. <sup>23</sup> Ndo mulikanisa kujobhe ndo mbhele wa muene, ukamilifu wa muene kujaza fhenu fyoa kup'etela njela syoa.

## Sura ya 2

<sup>1</sup> Katya kabhele kamyele mmfuili ni makosa gha thambi sya yhomo. <sup>2</sup> Yaye kup'etela agha kuanza mwalotili kulengana ni magono gha ulimwengu obho. Mwayele kulota kwa kufuata mtawala wa mamulaka gha kunani. Eye ndo roho yiaki yhola yaifuanya mbho mubhana bha kuasi. <sup>3</sup> Nitete tabhoa kamuandi taye kujo abha bhabhamini lepi. Tayela kukeka namuna ya tamaa si baya sa mibhele ya yhoto. Tayela kuketa mapenzi gha mbhele ni ufahamu bhuitu. Tayele kiasili bhana bha ghazabu kujo bhamana. <sup>4</sup> Jobha K'yara mwingi wa rehema kwa upendo wa muene ubhaa wa kutugana tete. <sup>5</sup> Magono ghataye bhafu kup'etela makosa ghitu, atuleteli pamonga mu maisha mapya mugati mwa Kristu.

Ndo neema ya kuwa tuokolibhu. <sup>6</sup> K'yara atufufuili pamonga ni kutuketa tutamai pamonga mu mahali kumbinguni mugati mwa Kristu Yesu. <sup>7</sup> Aketili naa ili maghono ghaghihida abhweyayi kututalasya ukifu wa neema ya muene. Akatulasya tete ele kwa njela ya wema wa muene mugati mwa Yesu Kristu. <sup>8</sup> Kwa neema mmokolibhu kwa njela ya imani. Na eye yahomilihee kwa tete. Ni zawadi ya K'yara. <sup>9</sup> Yitokana hee ni matendo. matokeo ghaki, asiyi mmonga wa kujisifu. <sup>10</sup> Kwa ndabha tete ndo mbhombho ya K'yara tubhombibhu kup'etela Kristu Yesu kuketa mambo ghamana. Ndo matendo agha ambagho K'yara aghapangili tokea muandi kwajia ya tete, ili tugendai kup'etela agha. <sup>11</sup> Kwa ele mkombhokai ya kuwa apabahi kamuandi mwayele bhanu bha mataifa kwa namna ya mbhele. Mwikutibhwa “mwamdulili tohara” kwa kela kakikutibhwa tohara ya mbhele yayifanyibhwa ni kibhoko kya binadamu. <sup>12</sup> Kwa magono ghala mwayele kujomtengibhu ni Kristu. Mwayele mwabhageni kwa bhanu bhaku Israel. Mwayele mwabhageni mu agano la ahadi. Mwayehee ni uhakika wa magono ghaghihida. Mwayele bila K'yara mu ulimuengu. <sup>13</sup> Ila henu kup'etela Kristu Yesu muenga ambabho lola mnandi mwayele patali ni K'yara mletibhu papipi ndabha ya muasi wa Kristu. <sup>14</sup> Kwa ndabha muene ndo amani yhitu. Aketili mabhele kuya limongaki mbhele bhuake ahalibu ukuta was utengano about was yele utenganisi bhu, obho ndo uadui. <sup>15</sup> Ndabha akomishi sheria ya amuri ni kanuni ya kuwa abhomba munu

mmonga mpya mugati mwa muene. Aketili amani. <sup>16</sup> Aketili naaili kubhapatanisya makundi mabhele gha bhanu kuya mbhele wu mmonga kwa K'yara kup'etela n'salaba. kwa njela ya n'salaba abhosili uadui. <sup>17</sup> su ahidili ni kutangasya amani kwa yhomo muenga ya myele patali ni amani ni bhabhayele papipi. <sup>18</sup> Kwa mana ya njela ya Yesu tete tabhoa tabhabhele tuyeke ni nafasi kwa Roho mmonga yhola kuyingila kwa Dadi. <sup>19</sup> Efukabhele, muenga bhanu bha bha mataifa ni bhasafari ni bhageni kab'ele. Ila ndo bhenyeji pamonga Ni bhala bhabhatengibhu kwajia ya K'yara ni bhujumbe kup'etela fyumba sya K'yara. <sup>20</sup> Mjengibhu panani pamsingi ya bhamitume na manabii. Kristu Yessu muene ayele liganga libhaa la kupembeni. <sup>21</sup> Kup'etela muene lijengo lyoa liunganishibhu pamonga nikukola katya lihekalu mugati mwa Bwana. <sup>22</sup> Ndo mugati muake muenga ninamu mwijengibhwa pamonga katya ndo mahali pakuishi pa K'yara kup'etela Roho.

## Sura ya 3

<sup>1</sup> Ndabha ya ele nene, Paulo, ndo mfungwa wa Yesu Kristu kwajia ya yhomo bhamataifa. <sup>2</sup> Nimanyili ya ndabha mpeliki juu ya mbhombho ya neema sya K'yara yaanipelili kwajia ya yhomo. <sup>3</sup> Nikabhayandikila kutokana ni jinsi ya ufunuo wakiwafunulibhu kwa nene. O'kho ndo ubhukweli wa ujifighili na nayandiki kwa kifupi mubarua yhenge. <sup>4</sup> pawisomahi kup'etela agha, wibhuwesya kutambula busara ya nene mu ukueli wa ufighibhu kup'etela Kristu.

<sup>5</sup> Kwa visasi shenge ukueli obho wafwanyikilepi umanyanikai kwabhana ni bhanu. Ila kwa henu ubhekibhu bhuasi kwa Roho yabhamitume ya bhatengibhu ni manabii. <sup>6</sup> Ukueli obho yauji-fighili yakuwa bhanu bhamataifa ndo bhashiriki bhayitu nibhajumbe bha mbhele. Nibhashiriki pamonga Ni ahadi ya Kristu Yesu kup'etela injili. <sup>7</sup> Ni kwa e'le nifwanyiki na n'tumishi kwa zawadi ya K'yara yayapisibhu kwa nene kup'etela ubhombaji wa nghofo syamuene. <sup>8</sup> K'yara apisili zawadi eye kwa nene, yakuwa nene na munu n'debe Sana kwa bhoa kup'etela kwa bhala bhabhatengibhu mu injili ya K'yara. kwa zawadi eye yilondeka kubhatangasila mataifa injili yaiyele ni bhutajili waubelili kuchungusi bhwa kwa Kristu. <sup>9</sup> Yilondeka kubhatangasila bhanu bhoa panani pa kiki ndo mpango wa sili. Obho ndo mpango wa wafighibhu kwa magono mingi yayilotili, ni K'yara yaabhombili fheni fyoa. <sup>10</sup> Eye yayele ndabha, kup'etela likanisa, bhatawala ni mamlaka mu sehemu za kumbinguni bha bhwesyai kumanya upande bhuingi wa asili ya hekima ya k'yara. <sup>11</sup> Agha ngagha homili kup'etela mpango wa milele ambabho wawakamilishibhu mugati mwa Kristu Yesu Bwana wa yhoti. <sup>12</sup> Yandabha kup'etela Kristu tuyeni ugasili ni ubhueso wa kuyingila kijasili kwa ndabha ya imani ya tete kwa muene. <sup>13</sup> Kwa ele ni kabhasoma msikati tamaa ndabha ya mateso gha nene kwajia yayhomo. Agha ndo utukufu bhuino. <sup>14</sup> Kwa ndabha ya ele nipiga magoti kwa Dadi. <sup>15</sup> Kwa muene kila familia kumbinguni ni panani pa n'dema pikutibhwa

lihina. <sup>16</sup> Nis'oma yakuwa abhwesyai kubhannenuesha, kubhonekana ni utajili wa utukufu bhuake, abha fwanyai imara kinghofo kup'etela Roho bhuake, yaaye mugati bhuinu. <sup>17</sup> Nis'oma yakuwa Kristu aishiayi mughati mu miteema yayhomo kup'etela imani. <sup>18</sup> Nis'oma yakuwa muyela ni shina ni msingi wa upendo bhuake. Muyela kup'etela lipendo lyake ili mubhwesyai kuyelebhuwa, pamonga ni bhoa bhabhiamini, mu upana, ni utali wa kimo ni kina kya upendo wa Kristu. <sup>19</sup> Nis'oma ya kuwa mmanyau upendo ubhaa wa Kristu, wawizidi ufahamu. Mke tai agha ili mjazibhuayi ni ukamilifu bhua wa K'yara. <sup>20</sup> Ni henu kwa muene yaibhuesya kuketa kila lijambo, zaidi ya ghoa ghatuka ghas'oma au kugha bhuasya, kup'etela nghofo ya muene yayitenda mbhombho mugati mwa tete, <sup>21</sup> Kwa muene uyela utukufu mugati mulikanisa ni kup'etela Kristu Yesu Ni fisasi fyoa milele, Amina.

## Sura ya 4

<sup>1</sup> Kwa ele, Katya mfungwa kwajia ya Bwana, nikabhasii mgendai sawasawa ni bhuito bhwa K'yara waabhakutili. <sup>2</sup> Muishiayi kiunyenyekevu ubhaa ni upole ni uvumilivu, mkajitolenayi kup'etela upendo. <sup>3</sup> Mketai kibidii kutunza umonga wa Roho kup'etela kifungu Kya imani. <sup>4</sup> Uye mbhele bhumo ni Roho yimo, Katya kujo kabhele mwakutibhu mu uhakika wa taraja yimo ya bhuito bhwinu. <sup>5</sup> Na ayele Bwana mmonga, imani yimo, ubatisu bhumo, <sup>6</sup> ni K'yara yumo ndo Dadi watabhoa. Muene ayele

panani pabhoa, ni kup'etela ghoa Ni mugati mwa ghoa. <sup>7</sup> wa kila mmonga bhitu apelibhu kipawa kulengana ni kipawa kya Kristu. <sup>8</sup> Ndo kujo mayandiku kaghijobha:”Paapumbulukai panana sana, alonguisi mateka mu utumwa. Apisili nghofo kwa bhanu.” <sup>9</sup> Ndo kiki maana ya, “Apumbuluiki,” yaibelili kuya kuwa aselili kabhele upande wa pasi wa dunia? <sup>10</sup> Muene yaaselili ndo munu yholo yola kabhele ndo Apumbuluiki panani pambingu syoa. Aketili naaili ili ya kuwa ubhuego wa muene uyele mu fhenu fhoa. <sup>11</sup> Kristu apisili vipawa kama e'fe: mitume, manabii, bhainjilisti, bhachungaji, ni bhalimu. <sup>12</sup> Aketili naa ili kubhabhwezesya bhaumini kwajia ya mbhombho Ni huduma, kwajia ya kubhomba mbhele was Kristu. <sup>13</sup> Iketa naa hadi henu tetetayele tabhoa tuufikilai ummonga wa imani ya maarifa ya bhuaana wa K'yara. Iketa naa hadi tubhwesyai kusindamala katya bhala yabha fikili kimo kyene kya Kristu. <sup>14</sup> Eye ndo kuwa tusiye kabhele kujo bhana, tusilushiburushibhu okhobahi Ni okho. Yandabha tusitolibhu ni aina ya mphongo wa fundisho, kwa hila sabhanu ni ujanja wa kujikofya wa wipotosya. <sup>15</sup> Badala yaki tulongela ukueli kup'etela upendo ni kukola zaidi kup'etela njela syoa mugati muake ambaye ndo mutu, Kristu. <sup>16</sup> Kristu aunganishi, kwa pamonga, mbhele bhua wa bhaumini uunganishibhu pamonga ni kila kiungo ili ya kuwa mbhele bhua ukolai ni kujijenga muene kup'etela upendo. <sup>17</sup> Kwa ele, nijobha ele na ni kabhasihi



kup'etela Bwana: Msigendi kabhele kujo bhanu bhamataifa kabhigenda kup'etela ubatili wa akili sya bhene. <sup>18</sup> Bhasopibhu kitita kup'etela mabhuaso gha bhene. Bhabhengibhu kuhomela mu usima wa K'yara kwa ujinga wa uyele mugati mwa bhene ndabha ya unono wa miteema ya bhene. <sup>19</sup> Bhakajipeleka hee soni. Bhajikabisi bhene kiufisadi kup'etela matendo manofu hee, kup'etela kila aina ya uchoyo. <sup>20</sup> Ila na heekamjifunzili kuhusu Kristu. <sup>21</sup> N'lizani ya kuwa mpeliki kuhusu muene. <sup>22</sup> Lazima mmbhosyai mambo ghoa ghaghiyendana ni mienendo yhinu ya muandi, utukufu na muandi. Ndo utu wa muandi ndo ubholili ndhabha ya tamaa sya kujikofana. <sup>23</sup> ulai utu bhuinu was muandi ya kuwa mfanywai kabhele kiroho sa akili sinu. <sup>24</sup> Mketai na ili mubhwesyai kufuala utu kabhele, wawiendana ni K'yara. ubhombibhu kihaki ni kiutakatifu wa ukueli. <sup>25</sup> Kwa ele, bheka patali udesi. Mlongelai ukueli, kila mmonga ni jilani wa muene, kwa ndabha to bhashilika kwa kila mmonga ni kwa bhayinu. <sup>26</sup> Muyelai ni ligoga, ila msibhombi thambi. <sup>27</sup> Msimpemi ibilisi nafasi. <sup>28</sup> Yuoa yola yaiheja asiheji kabhele. Badala yaki abhomba mbhombho abhombai mbhombho yaiyele ni manufaa kwa kibhoko Kya muene, ili ndabha abhwesyai kunihudumila munu ya ayele ni lihitaji. <sup>29</sup> Kauli ibaya isihomeli mu sinywa fhinu. Badala yaki malobhi ghaghipita mufinywa fhinu ghaghifaa ki mahitaji kubhapeta faida bhala yabhipelekesya. <sup>30</sup> Na msihuzunishi Roho n'takatifu wa K'yara. Kwa

muene ndabha mmbhekibhu mhuri kwajia ya magono gha ukombosi. <sup>31</sup> Lasima mubhekai patali ligoga lyoa, ghazabu ligoga, ngondo, ni malighu, pamonga ni kila aina ya uovu. Iyela wema kwa yhomo ni yhomo. <sup>32</sup> Muyela ni huruma. Mjisameheayi yhomo kwa yhomo, Katya K'yara kup'etela Kristu kaabhasamehili muenga.

## Sura ya 5

<sup>1</sup> Kwa ele muyela bhanu bha kunfuata K'yara Katya bhana munu ya bhagani kibhu. <sup>2</sup> Mgendai kup'etela lipendo, kabhele kabhele kutya Kristu kaatuganili tete, ajipisili muene kwajia yhoto. Muene ayele sadaka ni zabi, kuya harufu inofu ya kumbaghanisya K'yara. <sup>3</sup> Zinaa au uchafu bhuoabhola ni tamaa sibaya visitajibhu Kati ya yhomo, Katya kayilondeka kwabhabhi-amini, <sup>4</sup> Wala machukizu ghasitajibhu, malongesi gha kipumbafu, au mizaa ya kujizalilisha ghayeke sawalepi, badala yaki iyela shukulani. <sup>5</sup> Mwibhwesya kuya ni lihakika yakuwa kuye ni zinaa, uchafu, Wala yailolonda, oyhobai iabudu lisanamu, uyehee ni urisi bhuoabhola kup'etela <sup>6</sup> ufalume was Kristu ni K'yara. Munu yuo a yhola. asikukosi kwa malobhi gha mebhwa kwa ndabha ya mambo agha ligoga la K'yara lihida panani pa bhana bhabhitii opi. <sup>7</sup> Ndo ishiriki pamonga nabhu. <sup>8</sup> kwa ndabha muenga kamuandi mwayele kitita, ila henu muyele nuru kup'etela Bwana. Efu mgendai Katya bhana bha nuru. <sup>9</sup> Kwa ndabha matunda gha nuru ghijumulisha

unofu bhuoa, haki ni ukueli. <sup>10</sup> Londa ikela kakikamhobholesya Bwana. <sup>11</sup> Kukotokuya ushili kup'etela mbhombho samu kitita sasi belili kuya ni matunda, badala yaki siyelai bhuasi. <sup>12</sup> Kwa ndabha jobhili mambo ghabhiketa abha musili ghayeke ni Soni hata kughayelesya. <sup>13</sup> Mambo ghoa, ghaghisichulibhwa ni nuru ghiya bhuasi. <sup>14</sup> Yakuwa kila kakifichulibhwa kiya mu nuruni. Efu tjobha naa, “Yumukai, bhebhe ya ugonili, na yinukai kuhomela kuwafu ni Kristu alamulila panani paku.” <sup>15</sup> Efu muyelai ngangali pa mwigenda, sio Katya bhanu bhabhabelili kuya bhelevu bali kujo bhaelevu. <sup>16</sup> Muukombolai muda ndabha magono ni gha uovu. <sup>17</sup> Mkotokuya bhajinga, badala yaki muyelebhuayi kiki mapenzi ya Bwana. <sup>18</sup> Msigali kujo mvinyo, kawilongosya kulota kuuharibifu, Badala yaki mjazibhuayi ni Roho N'takatifu. <sup>19</sup> Mlongelai ni kila mmonga bhinu kizabuli, ni noli, ni nyembusa rohoni. Muyembai ni kunsifila kwa n'teema kup'etela Bwana. <sup>20</sup> Mpisiayi shukulani daima kwa mambo ghoa kup'etela lihina la Kristu Yesu Bwana wa yphoto ni kwa K'yara Dadi. <sup>21</sup> Mjipisyai mwayhomo kila mmonga ni kwa bhang'i kwa heshima ya Kristu. <sup>22</sup> Bhadala mjipisyai kwa bhagosi bhinu, Katya kwa Bwana. <sup>23</sup> Kwa ndabha n'gosi ndo mutu kwa n'dala, Katya kristu kaayeke ndo mutu wa kanisa. Ndo nayaikombela mibhele. <sup>24</sup> Lakini kutya likanisa kalikiyele pasi pa Kristu, kelakela bhadala lasima bhaketai mebhua kwa bhagosi bhabhi kwa kila lijambo. <sup>25</sup> Bhagosi, mbha-

ganai bhadala bhinu kutya Kristu kaaliganili likanisa na ajipisili muene kwajia ya muene. <sup>26</sup> Aketili naa ili liyelai takatifu. Alitakese kwa kulisuka ni masi kup'etela lilobhi. <sup>27</sup> Aketili naa ili abhwesyai kujiwasilishila muene likanisa tukufu, papadulili lidoa Wala waa au khenu kakifanana ni agha, badala yaki ndo takatifu yaliyele hee ni kosa. <sup>28</sup> Kwa njela yela, bhagosi bhilondeka kubhagana bhadala bhabhi kutya mibhele ya bhene. Yola ya akamgana n'dala munu akajigana muene. <sup>29</sup> Ayehe hata mmonga yaakaudadila mbhele wa muene. Badala yaki, akaulutubisha ni kuugana, kutya Kristu kabhele kaaliganili likanisa. <sup>30</sup> Ndabha tete ndo bhashiriki bha mbhele wa muene. <sup>31</sup> “Ndabha ya ele bhagosi alandheka dadi munu ni nyongo munu na alaungana ni n'dala munu, ni abhu bhabhele bhalaya mbhele ummonga.” <sup>32</sup> Obho wayele kama ufighibhu. Ila ni fobha kup'etela Kristu ni likanisa. <sup>33</sup> Kayilondeka, kila mmonga bhinu an'ganai n'dala munu kutya yu muene, ni n'dala lazima amheshimuayi n'gosi munu. h

## Sura ya 6

<sup>1</sup> Bhana mbhatila bhazazi bhayomo kup'etela Bwana, kwa ndabha eye ndo haki. <sup>2</sup> “Mheshimuayi Dadi waku ni nyongo waku” (Mana eye ndo amuli ya kuanza yaiyele ni ahadi), <sup>3</sup> “ili iyela heli kwa yhomo na mubhwesyai kuishi maisha matali panani pan'dema. <sup>4</sup> “Ni muenga bha dadi, msibhadadi si bhanabhinu ni kubhasababishila ligoga,

badala yaki, mbhalelai ki maonyo Ni maadili gha Bwana. <sup>5</sup> Emu bhatumwa, muyela bhatii kwa mabwana bhayomo bha apa paduniani kwa heshima ibhaa ni kutetemekwa kwa kutila mu miteema ya yomo. Muyela mbhatiifu kwa bhene katya kamkatii Kristu. <sup>6</sup> Utii bhinu usiyi tu pala mabwana bhinu pabhakabhalanga ili mbhafulaishai. Badala yaki, muyela bhatiifu Katya bhatumwa bha Kristu. Mketai kimapenzi gha K'yara kuhomela mu miteema ya yhomo, <sup>7</sup> mbhatumikilai kwa miteema ya yhomo iyoa, kwa ndabha mkamtumikila Bwana wala si bhanadamu, <sup>8</sup> Yilondeka kumanya ya kuwa kup'etela kila litendo lyema munu ya akaliketa, alapokela, zawadi kuhomela kwa K'yara, ikayela n'tumwa au munu huru. <sup>9</sup> Ni muenga mabwana mketai eke mebhwa kwa bhatumwa bhinu. Msibhatishili ni kumanya ya kuwa muene yaayele Bwana bhatabhoa ndo yhola yaayele kumbinguni. Mkamanyai ni kujo uyehee upendeleo mugati mwa muene. <sup>10</sup> Kabhele, muyela ni nghofo kup'etela Bwana ni kup'etela ubhueso wa nghofo syamuene. <sup>11</sup> Mfwalai silaha syoa sya K'yara, ndabha mubhwesyai kuyema kinyume ni hila sa lisyetani. <sup>12</sup> Kwa ndabha Vita yatete si kwa muasi ni nyama, ni kwa falume ni mamlaka gha roho ni bhatawala bhaulimwengu muovu wa mukitita, zidi ya mapepo mu sehemu sya kumbinguni. <sup>13</sup> Kwa ele mfwalai silaha soa sa K'yara, ili mbhwesyai kuyema ngangali zidi ya uovu kup'etela magono agha ghauovu. Badala ya kumala kila khenu, mlayema ngangali. <sup>14</sup> Kabhele mmyemai ngangali. Niketai naa

baada ya kuwa mkongili mkanda wa ukueli ni haki mkifua. <sup>15</sup> Mketai naa khoni mfwalili utayali mmagolo ghinu kwa kuitangasya injili ya amani, <sup>16</sup> yaibhwanili kubhabwessha kuisima migoa ya yhola mwovu. <sup>17</sup> Mfwalai kofia ya bhuokovu ni upanga wa Roho, laliyele lilibhi la K'yara. <sup>18</sup> Pamonga ni maombi ni dua. Ms'omayi kwa Roho mda bhua. Ni kubhonekana na kwa naa muyela bhayangalifu magono ghoa kwa uvumilivu bhua ni maombi kwajia ya bhiamini bhoa. <sup>19</sup> Ms'omayi kwa jia ya nene, ili nipelibhuayi ujumbe panifungulai ndomo wa yhoni. Ms'omayi ya kuwa nibhuesya kuyelebheasya ki ukifu wa ukueli wa ujifighili kuhusu injili. <sup>20</sup> Ndabha ya Injili nene nabalozi yanikongibhu minyololo, yakuwa mugati mwa bhene nijobha ki ukifu kanilondeka kujobha. <sup>21</sup> Ni muenga kabhele mmayai mambo ghanene na jinsi kaniyendela, Tikiko ndongho bhangu kipenzi na n'tumishi wa kuaminika kup'etela Bwana, ala bhajulisha kila khenu. <sup>22</sup> Nin'tumili kwa yhomo kusudi ya maaulumu eye, ya kuwa mmayai mambo gha ghihusu tete, abhwesyai kabhafaliji mumiteema yhinu. <sup>23</sup> Amani naiyela kwa bhalongo, ni upendo pamonga ni amani yayihomela kwa K'yara Dadi ni Bwana Yesu Kristu. <sup>24</sup> Neema naiyela pamonga ni bhoa yabhamganili Bwana Yesu Kristu kwa lipendo lela lalibelili kufwa.

**Kisi Bible**  
**The New Testament in the Kisi language of Tanzania**  
copyright © 2020 Door 43 International Mission Community

Language: Kese (Kisi)

Translation by: Door 43 International Mission Community

Contributor: Cloud Roman, James, Kisi Mast, Mwj Ndugu, Tiralaleli Ndugu, Tzkisil

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2020-07-31

---

PDF generated using Haiola and XeLaTeX on 11 Nov 2022 from source files dated 31 Jul 2020  
7fce37e8-0cd2-50b5-bd25-168ab7e2efdd